

Na osnovu člana 87. Zakona o javnim nabavkama Bosne i Hercegovine ("Službeni glasnik BiH", br. 39/14), nakon provedenog postupka direktnog sporazuma, zaključuje se

**UGOVOR**  
**o nabavci i isporuci laboratorijskih reagenasa**

**između:**

**1. JU KS Zavod za zdravstvenu zaštitu studenata Univerziteta u Sarajevu**, Ulica Patriotske lige broj 36, koju zastupa v.d. direktor, dr Lejla Hrenovica-Bečarević, specijalista urgentne medicine (**u daljem tekstu: Naručilac**)

**i**

**2. BERG d.o.o. Sarajevo**, Ulica Grbavička 7a, koju zastupa direktor Jasminko Filipović (**u daljem tekstu: Izvršilac**)

**Član 1.**

Predmet ovog Ugovora je nabavka i isporuka laboratorijskih reagenasa za aparat Erba XL200 za potrebe Zavoda, a koje će Izvršilac isporučivati Kupcu prema odredbama ovog Ugovora na osnovu ponude broj: P-PON-20-0105 od 15.06.2020. godine sa ponudenom cijenom od 2.392,65 KM sa uračunatim PDV-om.. Naručilac zadržava pravo da odstupi od količina navedenih u ponudama, ali do maksimalne vrijednosti ugovora od 3.500,00 KM bez PDV-a.

**Član 2.**

Sastavni dio ovog Ugovora je ponuda broj: P-PON-20-0105 od 15.06.2020. godine.

**Član 3.**

- (1) Izvršilac se obavezuje da će isporuku materijala izvršiti sukcesivno prema narudžbenicama Naručioaca, u roku od najkasnije 5 (pet) radna dana od momenta narudžbe od strane Naručioaca.
- (2) Za mjesto isporuke materijala ugovara se adresa Naručioaca Patriotske lige broj 36, Sarajevo.

**Član 4.**

- (1) Izvršilac se obavezuje da robu fakturiše u ugovorenim rokovima, na osnovu otpremnih dokumenata potvrđenih od strane Naručioaca da je preuzeo robu te izdao i predao fakture i to na dan preuzimanja robe.
- (2) Izvršilac se obavezuje na nepromjenljivost ponuđenih cijena za ugovorene usluge tokom cijelog ugovornog perioda.
- (3) Plaćanje će se vršiti prema ispostavljenim fakturama u roku od 30 dana od dana isporuke materijala.

**Član 5.**

- (1) Izvršilac se obavezuje da će isporuku predmetne robe izvršiti u skladu sa zahtjevom Naručioaca i da će odmah postupiti po eventualnim primjedbama Naručioaca, u pogledu nedostataka na ime kvaliteta izvršene nabavke.
- (2) Naručilac je dužan da dostavi pisano obavještenje o svakom navodnom propustu Izvršioaca po ovom Ugovoru.
- (3) Naručilac će utvrditi razuman rok za ispravku propusta Izvršioaca u smislu izvršene isporuke.

(4) U slučaju eventualnih primjedbi Naručioca na kvalitet i količinu isporučene robe, Naručilac može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

#### Član 6.

Odredbe ovog Ugovora ne mogu se mijenjati nakon njegovog zaključenja.

#### Član 7.

Predmetni Ugovor stupa na snagu od dana potpisivanja obje ugovorne strane i zaključuje se na određeno vrijeme do 31.12.2020 godine sa mogućnošću produženja do usvajanja Plana javnih nabavki za 2021. godinu od strane Naručioca, ali ne duže od godinu dana.

#### Član 8

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

#### Član 9.

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.


#### Član 10.

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana.

#### Član 11.

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka za vlastite potrebe.

Za Naručioca:  
v.d. direktor,



*Lejla Hrenovica-Bečarević*  
Dr Lejla Hrenovica-Bečarević  
Specijalista urgentne medicine

Broj: 03-02-1276/2020  
Datum, 23.06.2020. godine

Za Izvršioca:  
direktor



*Jasminko Filipović*  
Jasminko Filipović

Broj: 26/20  
Datum, 22.06.2020 god.